

佛說摩利支天經

唐三藏沙門大廣智不空奉 詔譯

如是我聞：一時薄伽梵在室羅筏城逝多林給孤獨園。爾時世尊告諸苾芻：有天女名摩利支，有大神通自在之力，常行日月天前，日天月天不能見彼，彼能見日。無人能見，無人能知。無人能捉，無人能縛，無人能害，無人能欺誑，無人能債其財物，無人能責罰，不為怨家能得其便。佛告諸苾芻：若有知彼摩利支天名常憶念者，彼人亦不可見，亦不可知，亦不可捉，亦不可縛，亦不可害，亦不可欺誑，亦不為人債其財物，亦不為人之所責罰，亦不為怨家能得其便。若有善男子、善女人，知彼摩利支天名求加護者，應作是言：我(某甲)知摩利支天母有大神力，我今歸命，願護我身，無人能見我，無人能知我，無人能捉我，無人能縛我，無人能害我，無人能欺誑我，無人能債我財物，無人能責罰我，亦不為怨家能得其便。爾時世尊說陀羅尼曰：

曩謨(引)囉怛曩(二合)怛囉(二合)夜(引)野怛儻也(二合)他(引)遏迦麼臬沫迦麼臬阿(引)度(引)麼臬紫嚩(二合)囉麼臬摩訶(引)紫嚩(二合)囉麼臬頰怛馱(引)曩麼臬麼(引)哩(引)紫(引)曳(引)麼臬曩謨(引)娑靺(二合)帝囉(轉舌)乞灑(二合)囉乞灑(二合)[牟*舍](引)薩嚩薩怛嚩(二合引)難(引)左薩嚩怛囉(二合)薩嚩婆喻(引)鉢捺囉(二合)吠(引)毘藥(二合)娑嚩(二合引)賀(引)

Namo ratna-trayāya. Tadyathā, arka maṣi, marka maṣi, ā-dhū maṣi, jvala maṣi, mahā-jvala maṣi, antar-dhāna maṣi, mārīciye maṣi. Namō 'stute, rakṣa rakṣa māṃ sarva sattvānāṃ ca sarvatra sarva bhayopa-dravebhyaḥ svāhā.

心真言曰。

曩莫三滿多沒馱(引)喃(引)唵(引)摩(引)哩(引)唧(引)曳(引)娑嚩(二合引)賀(引)

Namaḥ samanta buddhānām. Oṃ, mārīciye svāhā.

爾時世尊說此陀羅尼已，告諸苾芻：若有受持此經法者，應作是願：王難中護我，賊難中護我，行路難中護我，於失道曠野中護我，水火難中護我，刀兵軍陣難中護我，鬼神難中護我，毒藥難中護我，惡獸難中護我，毒蟲難中護我，一切怨家惡人難中護我，佛實語護我，法實語護我，僧實語護我，天實語護我，仙人實語護我，一切處，一切時，願常護我弟子(某甲)莎嚩(二合引)賀(引)。

佛告諸苾芻：若善男子、善女人、苾芻、苾芻尼、鄔波索迦、鄔波斯迦、國王、大臣、一切人等有諸難時，但當至心誦此摩利支陀羅尼，不待加功，隨誦隨成，遠離諸難，除不至心。持誦之時并結本印，以香塗手，先結三部心印：二手內相叉為拳，並豎二大拇指，是一切如來心印。真言曰：

唵(引)爾曩爾迦(半音)

Om, jina jik.

次結蓮部心印：即前印以左大拇指屈入掌，直豎右大拇指。真言曰：

唵(引)阿(引)嚩(引)力迦(半音)

Om, ā-lolik.

次結金剛部心印：即前印以右大拇指屈入掌，直豎左大拇指。真言曰：

唵(引)嚩日囉(二合)地力(二合)迦(半音)

Om, vajra dhṛk.

次結護身如來拳印：以右手屈大拇指橫於掌中，便以四指握大拇指為拳。以此拳印加持自身五處，先額、右肩、左肩、心喉、每處各誦真言一遍。真言曰：

唵(引)僕(引)入嚩(二合)羅吽(引)

Om, bhū-jvala hūm.

次結摩利支菩薩根本印：二小指二無名指右押左內相叉直豎，二頭指相捻，以二中指各繳頭指背，向前頭相拄，二大指並豎即成。結印當心，誦前摩利支身陀羅尼及心真言各七遍，每遍屈二大拇指招之，亦名迎請印，兼以此印加持身五處，頂上散印。

次結大三昧耶印：辟除結界，以右手大指捻小指甲上，餘三指直豎如三股杵形，左手作金剛拳按於心上。隨誦真言以右手印於頂上，左轉三匝，辟除一切作障難者，便右旋三匝并揮上下，即成結十方界，一切天、龍、人非人等不能附近。真言曰：

唵(引)商迦隸(引)摩訶(引)三麼琰娑嚩(二合引)賀(引)

Oṃ, śaṃkale mahā-samayaṃ svāhā.

次結摩利支安怛馱那印【antar-dhāna-隱形印】，以左手虛掌作拳，大指微捻頭指甲如環，已下三指握拳令密，又令掌中作孔，安自心前，想自身入此印孔中藏。以右手平掌，右旋摩此印便蓋孔上。想此印即是摩利支天菩薩身，我自身隱藏於摩利支天菩薩心中。一心專注不間斷，誦前根本及心真言，不限遍數，但虔誠至心，必獲菩薩威神加護，一切怨家惡人悉不能見，一切災難皆得解脫。若欲供養摩利支菩薩者，應用金、或銀、或赤銅、或白檀香木、或紫檀木等，刻作摩利支菩薩像，如天女形，可長半寸、或一寸二寸已下，於蓮花上或立或坐，頭冠瓔珞，種種莊嚴，極令端正，左手把天扇，其扇如維摩詰前天女扇，右手垂下，揚掌向外，展五指作與願勢，有二天女各執白拂侍立左右。作此像成，戴於頂上，或戴臂上，或置衣中，以菩薩威神之力，不逢災難，於怨家處決定得勝，鬼神惡人無能得便。若欲成驗，願見摩利支天真身求勝願者，誦此陀羅尼滿十萬遍，依法建立曼荼羅，畫摩利支菩薩像，安置壇中，種種供養，并作護摩火壇，摩利支天女必現其身，所求勝願決定成就，除不至心。佛告諸苾芻：我為當來惡世苦難恐怖有情，略說摩利支天法，此菩薩有大悲願，常於苦難恐怖之處護諸有情，不令天、龍、鬼、神、人及非人、怨家、惡獸所能為害，汝當受持，廣宣流布，饒益有情。爾時諸苾芻及一切天龍八部大眾等聞佛所說，皆大歡喜，信受奉行。

佛說摩利支天經

【經文資訊】大正新脩大藏經第 21 冊 No. 1255b 佛說摩利支天經

【版本記錄】CBETA 電子佛典 Rev. 1.7 (Big5), 完成日期: 2006/04/12

【編輯說明】本資料庫由中華電子佛典協會 (CBETA) 依大正新脩大藏經所編輯

【原始資料】蕭鎮國大德提供, CBETA 自行掃瞄辨識

【其他事項】本資料庫可自由免費流通, 詳細內容請參閱【中華電子佛典協會版權宣告】

(Mantras in the sutra were transliterated on 2/2/1997 by Mr. Chua Boon Tuan (蔡文端) of Rawang Buddhist Association (萬撓佛教會). 8, Jalan Maxwell, 48000 Rawang, Selangor, West Malaysia.)

Residence Tel : 603-60918722 [Monday to Sunday after 10.30 a.m.]

Handphone : 6016-6795961. E-mail : chuaboontuan@hotmail.com

公元二零一一年五月十九日馬來西亞蔡文端居士修訂。

萬撓佛教會網址: <http://www.dharanipitaka.net>

注:

有關咒語的讀音問題請安裝 Skype 軟件用免費互聯網電話聯繫, 我的 Skype 名為: chua.boon.tuan